

S'istùdiu de Lussu in su servìtziu de su TG Regionale

Armùngia. Torradu a concordare s'istùdiu casteddaju de Emilio Lussu.

<https://www.facebook.com/100022281709348/videos/pcb.1485522238867152/115388194979122>

In Armùngia su comunu at torradu a cuncordare s'istùdiu casteddaju de Emilio Lussu: is parastàgios de sa libreria, sa cadrea e sa màchina de



iscriere tedesca. Paret de èssere in pratza Martiri in Casteddu intro s'apartamentu chi fiat istadu assartadu in su 1927 dae is fascistas. Imbetzes foras de sa ventana si biet sa bidda nadale de Emilio Lussu. Su Comunu, gràtzias a unu finantziamentu de sa

Fundatzione Sardegna, at torradu a cuncordare s'istùdiu de su fundadore de su Partidu Sardu de Atzione respetende sa mobilia originale e is cuadros picados in is muros, unu motivu in prus pro bisitare Armùngia, bidda de unu de is prus importantes intelletuales de su Noighentos. Su progetu s'insertat una sèrie de iniciativas pro sa valorizatzione de sa figura de Lussu. Is ispàtzios de s'istùdiu sunt collegados a su polu de museu. B'at fintzas un'àtera novidade: sa prima borta in Armùngia ant a èssere espostas is medàllias de Emilio Lussu; ultres a custas b'at a àere s'arricchimentu de su tzentru de documentatzione a traessu de sa regorta de documentos de Armando Zucca, cussigieri regionale cun aiat remplassadu Lussu cando fiat devènnidu Senadore.